

simam nonam , De ipso homine seu potius de ipsis  
eiusque potentijs omnia, quæ Diuus Thomas amplissi-  
ferit, à nobis ualde locupletantur. Non enim solas Theo-  
gicas, sed etiam Physicas quæstiones antiquas & nouas di-  
scutimus & definimus . Neque mirari debent, qui in priori-  
bus huius prime partis quæstionibus interpretandis plurima  
Logicalia importunè miscent ; quod nos Philosophica in tra-  
ctatione de Anima inseramus, quæ utilius Sacræ Theologie  
ministerium præstant. Iam uero tertio loco à quæstione no-  
nagesima usque centesimam secundam, De statu primi homi-  
nis, qualis ille futurus erat, si homo in originali iustitia per-  
manuisset ; non sine magna utilitate agitur. Qua in re nostram  
diligentiam credo laudabit, qui aliorum scripta legerit. Tan-  
dem in postremis quæstionibus, de uniuersi diuina gubernatione  
multò plura quam alij solent, dissero ; imò quam ego  
ipse olim ante annos triginta Salmanticæ in Primaria Cathe-  
dra substitutus dictaueram. Puderet sanè talia sexagenarium  
in huius operis commendationem commemorare, nisi quo-  
rundam iuniorum maledicta me cogerent, apud Theologo-  
rum uulgs nostros labores ab iniuria cum moderamine in-  
culpatæ tutelæ defendere . Fateor nihilominus pro tot tan-  
tarumq; rerum grauitate, ac difficultate mihi, neq; nostram  
diligentiam, neq; nostras meditationes satisfecisse . Hoc ta-  
men effecisse me uideo, quod Scholasticis Theologis inge-  
nio præditis uiam ad plures altioresque considerationes a-  
eruerim. Meminerit tamen & ipsi, quod inuentis facile est  
ddere : & quod dimidium facti qui coepit habet. Quocir-  
a nostris erratis, quæ salua fide dissimulari poterunt, ue-  
niam benigno animo dabunt. Cæterum quidquid in hoc  
opere, uel alijs meis scriptis à me asseritur totum Sacrofan-  
ctæ matris Ecclesiæ Romanæ correctioni subijcio .

Valeas plurimum in Christo pie Lector.

Datis Salmanticæ Calen. Augusti. Anno à Natiuitate 1588.